

Մաշտոցի Արձագանգ

Հայաստանեայց Եկեղեցույ Սուրբ Յակոբ Կիրակնորեայ Դպրոցի ամսաթերթ

Մարտ 2008

ՓԵ տարի- թիւ 7

Այս թիւով...

Խմբագրական՝

Հաղորդուիլ՝ Քրիստոսով

Սուրբ Յարութիւն, Մեծ Զատիկ: Էջ 3

Մարտ ամսուան բացատրական տօնացոյց. Անդաստան: Էջ 4

Աւագ շաբթուան օրերը: Էջ 5

Եկեղեցական բառարան: Էջ 6

Խօսքն Աստուծոյ: Վերջին ընթրիքը Էջ 7

Աստուածաշունչը մանուկներու համար. Առաջին Ծաղկազարդը: Էջ 8-9-10

Եզակի գիրեր: Էջ 11

Ո՞րն է ճիշդ պատասխանը: Էջ 12-13-14-15

Ամսուան Տօնացոյց: Էջ 16

ՔՐԻՍՏՈՍ ՅԱՐԵԱԻ Ի ՄԵՌԵԼՈՅ
ՕՐՀՆԵԱԼ Է ՅԱՐՈՒԹԻՒՆԸ ՔՐԻՍՏՈՍԻ



Ես եմ աշխարհի լոյսը. ով որ ինձի կը հետեւի՝ խաւարի մէջ պիտի չքալէ, այլ կեանքի առաջնորդող լոյսը պիտի ունենայ:

Յովհաննէս 8.12

Խմբագրական

Հաղորդուիլ՝ Քրիստոսով

Հայաստանեայց եկեղեցույ հարստութիւններէն մէկն է անոր ծիսակատարութեան գեղեցկութիւնն ու նոյնքան իմաստալից որքան խորհրդանշական ըլլալը: Մեր եկեղեցական արարողութիւնները, ընկերակցութեամբ հրեշտակային շարականներու եւ աղօթքներու երգեցողութեամբ, հաւատացեալը կը փոխադրեն անցիւթեղէն աշխարհ մը ուր ամէն ինչ շինջ է ու խաղաղ:

Քրիստոսի Սուրբ Յարութեան տօնին նուիրուած ծիսակատարութիւններն ու եկեղեցական արարողութիւնները իսկական եւ տիպար օրինակներ են այս իրողութեան: Ունելուայ, խաւարում, թաղման կարգ ապա Յարութեան օրը նուիրուող Ջատկուան Պատարագ, ահա մի քանին արարողութիւններու շարքի մը որոնք մեր եկեղեցույ ամենէն սիրելի տօներէն մէկուն՝ Սուրբ Յարութեան կամ Ջատիկին կը վերագրուին:

Սակայն վերոնշեալ ծիսակատարութիւնները, եւ ամէն ծիսակատարութիւն ընդհանրապէս, պարզ արարողութիւն, թատերական ներկայացման նմանողութեամբ կատարուող խաղարկութիւն պիտի ըլլար եթէ հաւատացեալները անհաղորդ մնային այս ծիսակատարութեանց ետին գտնուող խորհուրդին, այսինքն ծէսի միջոցաւ Քրիստոսի հետ չմիախառնուէին ու անոր կեանքին ու գերագոյն զոհողութեան մասնակից չըլլային: Հոս է տարբերութիւնը սովորութիւնը յարգելով կամ սերունդէ սերունդ աւանդութիւն փոխանցելու նպատակով եկեղեցական արարողութիւններուն ներկայ գտնուելուն եւ Քրիստոսի հետ հաղորդուելու ու Անոր կեանքին մասնակից ըլլալու նպատակով ծիսակատարութեան մասնակցելուն միջեւ: Այլ խօսքով մէկ կողմէն եկեղեցի երթալուն եւ միւս կողմէն՝ հաւատալուն միջեւ:

Եկեղեցի յաճախելու եւ հաւատք ունենալու միջեւ գիծը բազմաթիւ ձեւեր կրնայ ստանալ: Ոմանց համար, մէկը միւսին հետ կապ չունի երբէք ուրեմն կարելի է հաւատալ առանց եկեղեցի յաճախելու կամ եկեղեցույ արարողութիւններուն ներկայ գտնուիլ առանց հաւատալու: Ուրիշներ համոզուած են որ առանց մէկուն միւսը անկարելի է որ գոյութիւն ունենայ, այսինքն անկարելի է հաւատացեալ ըլլալ առանց եկեղեցի յաճախելու եւ նոյնպէս անկարելի է եկեղեցի մտնել եթէ հաւատացեալ չենք:

Մեկնաբանութիւններն ու բացատրութիւնները տեսակաւոր են ու անհամար եւ մեզմէ իւրաքանչիւրը, անկասկած, ըսելիք պիտի ունենար այս նիւթին շուրջ: Ինչ որ ալ ըլլայ սակայն մեր տեսակէտը եւ դիտանկիւնը, կարելի է հաստատել թէ եկեղեցական արարողութիւններն ու հաւատքը թերեւս իրարու նախապայմաններ չեն, սակայն անկասկած զիրար ամբողջացնող տարրեր են: Այսպէս օրինակ, նոյնիսկ եթէ ընդունինք թէ կարելի է հաւատացեալ ըլլալ առանց անպայման եկեղեցի յաճախելու, վստահաբար պիտի համամիտ ըլլանք ըսելու թէ մեր հաւատքը կ'ամրապնդուի եւ գերագոյն արտայայտութեան ձեւ կը ստանայ եկեղեցական արարողութեան մը ստեղծած խորհրդաւոր պայմաններուն շնորհիւ: Աւագ շաբթուան ընթացքին ընծայուող բոլոր արարողութիւնները իւրայատուկ կերպով խորհրդաւոր են ու երբ կատարուին իրենց լաւագոյն պայմաններուն տակ, բացառիկ առիթներ են ապրելու հաւատքի խորունկ զգացում եւ Քրիստոսի հետ հաղորդութեան վայրկեաններ:

**ՔՐԻՍՏՈՍ ՅԱՐԵԱԻ Ի ՄԵՌԵԼՈՅ
ՕՐՀՆԵԱԼ Է ՅԱՐՈՒԹԻՒՆՆ ՔՐԻՍՏՈՍԻ**

«Մաշտոցի Արձագանգ»
Հայաստանեայց Եկեղեցույ Սուրբ Յակոբ Կիրակնօրեայ Դպրոցի ամսաթերթ:
Խմբագիր՝ Շողիկ Թորիկեան-Պոյաճեան
Հայաստանեայց Եկեղեցույ Սուրբ Յակոբ Կիրակնօրեայ Դպրոցի կամաւոր խմբակը
Ոսուցիչներ՝ Վէրժին Գիւլթանճեան, Թամար Գիզիրեան, Յասմիկ Նաճարեան, Գարոլ Մանուկեան, Շողիկ Նաճարեան, Աշխէն Իշխանեան, Յասմիկ Գանաճեան:
Տնօրէն՝ Թորոս Պապիկեան

Սուրբ Յարութիւն Մեծ Զատիկ

Հայաստանեայց եկեղեցւոյ հինգ մեծ տօներէն կամ տաղաարներէն մեծագոյնն է Սուրբ Յարութեան տօնը: Հայ ժողովուրդը այս տօնը կը կոչէ նաեւ Զատիկ, սուրբ Զատիկ կամ Մեծ Զատիկ: Այս տարի, Սուրբ Զատիկը կը զուգադիպի Մարտ 23-ին:

Զատիկ բառը նման է հրեաներու Պասեք տօնի անունին որ կը նշանակէ Ելք: Ինչպէս հրեաները Պասեքի տօնին մէջ կը յիշատակեն Եգիպտոսի ծանր լուծէն իրենց դուրս գալը, ելքը, այնպէս ալ մենք, Քրիստոնեաներս, Յիսուսի չարչարանքին արդիւնքով եւ հրաշափառ յարութեամբ կը յիշատակենք մարդոց մահուան իշխանութենէն ազատիլը ու երկնքի արքայութեան արժանանալը:

Զատկուան առաւօտ ամէն մարդ ներկայ կը գտնուի Սուրբ Պատարագի եւ բազմաթիւ հաւատացեալներ հաղորդութիւն կը ստանան:



Զատկուայ աւանդութիւններէն ամենէն գլխաւորը հաւկիթ ներկել եւ իբր գնահատանք ու սիրոյ արտայայտութիւն՝ նուիրելն է ծանօթներու եւ այցելուներու: Հայկական գիւղերու մէջ փոքրիկներ երբ կ'այցելէին իրենց ազգականներուն, ծանօթներուն, դրացիներուն, անպայման ներկուած հաւկիթ կը ստանային: Գրիգոր Տաթեւացի հաւկիթը կարմիր ներկելու հայկական այս սովորութեան մասին կ'ըսէ հետեւեալը. Հաւկիթը կը խորհրդանշէ աշխարհը: Անոր դուրսի կարծր կեղեւը երկինքն է, ներքին մաշկը՝ օդը, ներմկուցը՝ ջուրը իսկ դեղնուցը՝ երկիրը: Իսկ հաւկիթին վրայ քսուած կարմիր ներկը կը նշանակէ թէ ամբողջ աշխարհը գնուեցաւ Քրիստոսի արիւնով եւ մենք կարմիր հաւկիթը մեր ձեռքը առնելով կը հռչակենք Քրիստոսի նուիրած արեան շնորհիւ մեր փրկութիւնը: Այս պատճառաւ է որ նախ կարմիր հաւկիթը կ'ուտենք ապա ուրիշ կերակուրներ:

Հայ ժողովուրդին մօտ, Զատիկը շնորհաւորութեան տօն է Յարութիւն, Արթին, Յարութեան անունը կրողներուն համար: Ընտանիքներ զայն կը նշեն ճոխ սեղաններով եւ ուրախութեամբ, մանաւանդ որ անով կ'աւարտի 48 օրերու վրայ երկարող Մեծ Պահքը:

Մարտ ամսուան բացատրական տօնացոյց

Անդաստան

Հայաստանեայց եկեղեցիէն ներս ա ս տ ու ա ծ ա պ ա շ տ ու թ ե ա ն արարողութիւնները բազմաթիւ բաժիններէ կը բաղկանան: Զատկուայ շրջանի նուիրուած եկեղեցական արարողութիւններուն շարքին կայ ծէս մը որ իրայատուկ է իր ձեւին եւ իմաստին մէջ: Այդ Անդաստանն է:

Անդաստանը աշխարհի չորս ծագերու օրհներգութեան նուիրուած արարողութիւն մըն է: Ներկայիս Անդաստանը կը կատարուի եկեղեցիի ատեանէն ներս, այսինքն եկեղեցույ մէջտեղը: Գիրքի ընթերցումէն ետք, բոլոր ներկայ եկեղեցականները շուրջառններով կը զգեստաւորուին: Հանդիսապետը խաչ ու գաւազան կ'առնէ ու կը կենայ եկեղեցիին մէջտեղը: Միւս եկեղեցականները կ'առնեն խաչ կամ Աւետարան, հանդիսաւոր օրերուն նաեւ այլ մասունքներ, եւ կը կենան հանդիսապետին կողքին, դէմքերը դարձած դէպի Արեւելք: Բուրվառակիր սարկաւազը, մոմակալները եւ միւս սարկաւազները վառած մոմեր բռնած կը տեղաւորուին ատեանի եզերքին, եկեղեցականներուն դիմաց դէմքերը դէպի Արեւմուտք: Իսկ դպիրները ձեռքերնին մէկական վառած մոմ՝ կը շարուին բեմին առջեւ, դէմքերը դէպի Արեւմուտք:

Գիտէի՞ր թէ...
Աւագ ուրբաթ օր որ աւագ շաբթուան ամենէն աւելի սուրբ օրն է պատարագ չի մատուցուիր: Ինչո՞ւ: Որովհետեւ այդ օր Յիսուս ի՛նք «պատարագուեցաւ»՝ այսինքն զոհուեցաւ խաչին վրայ, որպէս կենդանի զոհ:



Գիտէի՞ր թէ...
Խաւարումի ընթացքին մէկ առ մէկ մարուող մոմերը կը խորհրդանշեն Յիսուսի աշակերտները որոնք մէկ առ մէկ լքեցին զինք, իսկ մէջտեղի մեծ մոմը որ արարողութեան աւարտին կը մնայ վառած՝ Քրիստոսը որ մնացած էր մինակ:

Աւագ շաբաթուան օրերը

Հայաստանեայց եկեղեցին Չատիկը, կամ Սուրբ Յարութեան տօնը նախորդող շաբաթուան ընթացքին կը յիշատակէ Յիսուսի կեանքի վերջին վեց օրերը որոնց ընթացքին Ան խտացուց ու տարբեր տարբեր ձեւերով արտայայտեց ամբողջ իր առաքելութեան միակ նպատակը՝ մարդոց հանդէպ սէրը: Այս շաբաթը, որ կը նկատուի տարուան ամենէն սուրբը, Աւագ կը կոչուի ու անոր իրաքանչիւր օրը կը կրէ նաեւ աւագ անուն: Այս օրերէն իրաքանչիւրը կը յիշատակէ Յիսուսի կեանքէն առնուած մասնաչափուկ դրուագ մը ու եկեղեցական խորհրդանշական արարողութիւններ կը մատուցուին անոնցմէն իրաքանչիւրին:

Աւագ Երկուշաբթի

Տերեւազարդ բայց անպտուղ թզենիին անիծման ինչպէս նաեւ տաճարը մաքրելու օրն էր: Այս դրուագներուն մասին կը կարդանք հետեւեալ հատուածներուն մէջ.- Մատթէոս 21.12-23 եւ Մարկոս 11.12-19

Աւագ Երեքշաբթի

Այս օրուան մասին երկարօրէն կարելի է կարդալ Մատթէոս 21.23-էն սկսեալ: Աւետարանիչը կը ներկայացնէ Յիսուսի առակներէն մի քանին, ինչպէս Երկու որդիներու առակը, չար մշակներուն առակը, հարսանիքի հրաւիրեալներուն առակը: Այս օրուան ընթացքին է նաեւ որ Յիսուս բացատրութիւններ կու տայ հրեաներուն անոնց հարցումներուն շուրջ: Այս ատեն է որ Յիսուս կը փոխանցէ մեծագոյն պատուիրանը «Սիրէ՛ քու Տէր Աստուածդ ամբողջ սրտովդ, ամբողջ հոգիովդ եւ ամբողջ մտքովդ» եւ «Սիրէ՛ ընկերդ քու անձիդ պէս»:

Հայաստանեայց եկեղեցին Աւագ երեքշաբթի կը յիշէ նաեւ տասը կոյսերու առակը եւ վերջին դատաստանի բացատրութիւնը:

Աւագ Չորեքշաբթի

Այս օրը Բեթանիայի մէջ կին մը թանկարժէք իւղով կ'օծէ Յիսուս, ինչ որ կը խորհրդանշէ Անոր շուտով հասնելիք մահը: Օծման կը յաջորդէ Յուդայի Յիսուսը մատնելու որոշումը:

Աւագ Հինգշաբթի

Վերջին ընթրիք, Սուրբ Հաղորդութեան խորհուրդի հաստատում եւ ոտնլուայ: Հինգշաբթի իրիկուն, ժամերգութենէն ետք կը կատարուի «խաւարում» կոչուող արարողութիւնը որուն ընթացքին խորանին վրայ կը վարին 12 մոմեր եւ մէկ մեծ մոմ կը դրուի անոնց կեդրոնը: Աւետարանի իրաքանչիւր ընթերցումէ ետք կը մարուի մէկ մոմ, մինչեւ որ մնայ միայն մէջտեղի մեծ մոմը:

Աւագ Ուրբաթ

Յիսուսի ձերբակալութեան, խաչելութեան, մահուան ու թաղումի յիշատակի օրն է: Առաւօտեան կը կատարուի ժամերգութիւն ու կը կարդացուին Աւետարանէն հատուածներ որոնք կը բովանդակեն Յիսուսի երկրային կեանքի վերջին ժամերը:

Աւագ Ծաբաթ

Դժոխքի աներում եւ Ծրագալուցի պատարագի օր: Այդ երեկոյ եկեղեցույ վառած մոմերէն կը վառուին բազմաթիւ մոմեր եւ հաւատացեալներ այդ մոմին լոյսը կը բերեն իրենց տուները իբրեւ խորհրդանշիչ Յիսուսի յարութեան ուրախ անտիսին: Այդ երեկոյ վերջ կը գտնէ նաեւ Մեծ Պահքը:

Եկեղեցական բառարան

Ղ ղ

Ղուկաս

Ղուկաս Յոյն բժիշկ մըն էր, որ աշակերտած էր Պօղոս առաքեալի եւ դարձած անոր հաւատարիմ գործակիցը եւ բազմաթիւ անգամներ անոր հետ ճամբորդած: Ղուկասի Աւետարանը Յիսուսը կը ներկայացնէ որպէս Փրկիչը Իսրայէլի եւ մանաւանդ ամբողջ մարդկութեան: Ղուկասի Աւետարանը նաեւ յատուկ կերպով կ'արտացոլացնէ Աստուծոյ սէրը՝ մանաւանդ խոնարհ դասու մարդոց հանդէպ: Յատկանշականը այն է, որ կարգ մը դրուագներ եւ առակներ միայն Ղուկասի Աւետարանին մէջ կը գտնենք: Օրինակ, Յիսուսի ծնունդին ժամանակ հովիւներուն այցը, պատանի Յիսուսը տանարին մէջ, բարի սամարացիին, անառակ որդիին, փարիսեցիին եւ մաքսաւորը, մեծահարուստն ու աղքատ Ղազարոսը, աշտարակ շինողը եւ ուրիշ առակներ:

Ճ ճ Մ մ

Մաս

Ճգնաւորութիւն

Աստուածապաշտութեան մէջ, ճգնաւորութիւն կը կոչուի ամէն հաւատացեալ քրիստոնեայի թափած ջանքը հեռանալու համար բացասական սովորութիւններէ եւ ձերբազատուելու տկարութիւններէ եւ փոխարէնը ապաշխարելու ու իր կեանքէն ներս շնորհներն ու առաքինութիւնները մշակելու: Ծգնաւորութեան դիմող Հաւատացեալը կը կոչուի ճգնաւոր: Ծգնաւորութեան օրինակ է ծոմապահութիւնը, երկարատեւ աղօթքը, կուսակրօնութիւնը, մեկուսացումը եւ ապաշխարութիւնը:

Եկեղեցոյ մէջ մաս բաժնելը հնաւանդ սովորութիւն է: Մաս կը նշանակէ օրհնուած բարակ բաղարջ հացի կտոր, որ պատարագի աւարտին կը բաժնուի հաւատացեալ ժողովուրդին պահելու համար նախնական եկեղեցոյ սիրոյ ճաշի յիշատակը: հաւատացեալներ մասը կը ստանան իրենց աջ ձեռքի երեսին վրայ եւ համբուրելէ ետք բերանին կը դնեն: Մասը խորհրդանիշ է «փշրանք Ս. Սեղանի օրհնութիւններէն» անոր համար մաս բաշխողը կ'ըսէ « սա եղիցի քեզ մաս եւ բաժին ի Ս. Պատարագս», իսկ ստացողը կը պատասխանէ «բաժին իմ եղիցի ի Տէր յաիտեան»: Անոնք որ հաղորդուած են պատարագի ընթացքին՝ մաս առնելու չեն:

Խօսքն Աստուծոյ Վերջին ընթրիքը՝ Հսկումի ընթերցանութիւն

Հովաս 22.14-23

Երբ ժամը հասաւ, Յիսուս տասներկու առաքելներուն հետ սեղան բազմեցաւ, եւ ըսաւ անոնց.

- Շատ փափաքեցայ զատկական այս ընթրիքը ձեզի հետ ընել չարչարուելէս առաջ: Բայց կ'ըսեմ ձեզի, թէ այլեւս ասկէ պիտի չուտեմ, մինչեւ որ ճշմարիտ Զատիկը կատարուի Աստուծոյ արքայութեան մէջ:

Ապա գինիի բաժակը առաւ, շնորհակալութիւն յայտնեց Աստուծոյ եւ ըսաւ.

- Առէ՛ք ասիկա եւ իրարու փոխանցեցէք՝ խմելով ասկէ: Կ'ըսեմ ձեզի, թէ ասկէ ետք գինի պիտի չխմեմ, մինչեւ Աստուծոյ արքայութիւնը գայ:

Ապա հաց առաւ, շնորհակալութիւն յայտնեց Աստուծոյ, կտրեց եւ աշակերտներուն տուաւ, ըսելով.

- Ասիկա մարմինս է, որ ձեզի համար տրուած է: Ասիկա կատարեցէք իմ յիշատակիս համար:


Նոյնպէս, ընթրիքէն ետք, բաժակն ալ առաւ եւ ըսաւ.

- Այս բաժակը Աստուծոյ նոր ուխտն է, կնքուած իմ արիւնովս որ ձեզի համար կը հոսի: Բայց ահա զիս մատնողը ինձի հետ սեղան նստած է: Շիշո՞ւ է որ Մարդու Որդին պիտի մեռնի՝ ինչպէս որ Աստուած սահմանած է, բայց վա՛յ այն մարդուն որ զայն կը մատնէ: Անոնք սկսան իրարու հարցնել թէ իրենցմէ ո՛վ պիտի ընէ ատիկա:



Աստուածաշունչը մանուկներու համար Առաջին Ծաղկազարդը

Երբ Յիսուս մօտեցաւ Բեթանիա գիւղին, որ Ջիթենեաց լերան վրայ կը գտնուէր, իր աշակերտներէն երկուքին ըսաւ՝ «Գացէք այդ գիւղը: Հոն պիտի գտնէք կապուած աւանակ մը, որուն վրայ ոչ մէկ մարդ նստած է: Արձակեցէք զայն, եւ բերէք: Հարցնողին ըսէք՝ Տիրոջը պէտք է»:



Յիսուս հանդիսատեսութեամբ մտաւ Երուսաղէմ, շատեր իրենց հագուստները կը փռէին ճամբուն վրայ ու բարձրաձայն կ'ըսէին՝ «Ովսաննա Բարձեալին . օրհնեալ ըլլաս դուն որ Տէրոջը անունովը կուգաս: Խաղաղութիւն երկինքի մէջ եւ փառք Բարձեալին»:



Յաջորդ օրը Յիսուս իր աշակերտներուն հետ տաճար գնաց: Հոն տեսաւ ապրանք ծախողներ, գնողներ, լումայափոխներ: Այս տեսնելով շատ զայրացաւ եւ բոլորին սկսաւ տաճարէն դուրս վտարել ըսելով՝ «Սուրբ գիրքին մէջ գրուած է՝ տաճարը աղօթքի տուն է, իսկ



դուք զայն աւազակներու տուն
դարձուցեր էք»:

Այս լսելով աւագ
քահանաները սկսան Յիսուսը
սպաննելու միջոցներ փնտռել:
Սակայն անոնք կը վախճային
որովհետեւ ամբողջ ժողովուրդը կը
հետեւէր անոր խօսքերուն:

Յիսուսի աշակերտներէն
Յուդան, գնաց աւագ
քահանաներուն քով եւ ընդունեց
Յիսուսը մատնել երեսուն արծաթ
դրամի փոխարէն: Անոնք շատ
ուրախացան:

Զատիկը կը մօտենար:
Աշակերտները չէին գիտեր ուր
երթալ, Յիսուսի համար ամէն
տեղ վտանգաւոր էր: Յիսուս իր
աշակերտներէն երկուքը
Երուսաղէմ դրկեց ըսելով՝ «Երբ
քաղաք մտնէք, պիտի հանդիպիք
մարդու մը որուն ուսին վրայ
սափոր մը կայ: Անոր հետեւեցէք
ու իր գացած տան մէջ հարցուցէք
թէ ո՞ր է այն սենեակը ուր Յիսուս
Զատիկի ընթրիքը պիտի ուտէ:
Հոն պատրաստեցէք սեղանը:»

Երբ Յիսուս եւ իր
աշակերտները սեղանին շուրջ
նստան, Յիսուս ըսաւ «Լաւ



գիտցէք, ձեզմէ մէկը զիս պիտի մատնէ»: Աշակերտները շփոթած իրարու նայեցան: Յիսուս գինի եւ հաց օրհնեց ընթրիքի ընթացքին:

Ընթրիքէն վերջ, Յիսուս իր աշակերտներուն հետ գնաց Գեթսեմանիի պարտէզը, հոն երկար աղօթեց ըսելու «Թող քու կամքդ ըլլայ»: Հրեշտակ մը երեցաւ Յիսուսի եւ զինք քաջալերեց:

Երբ Յիսուս վերադարձաւ եւ աշակերտները քնացած գտաւ, անոնց ըսաւ՝ «Արթուն կեցէք եւ աղօթեցէք որպէսզի փորձութեան չիյնաք»:

Այս միջոցին Յուդան մօտեցաւ իրեն, իր հետ շատ զինուորներ. Յիսուս ըսաւ՝ «Յուդա ինձի համբոյրո՞ւմ մը պիտի մատնես»:

Ապա Յիսուսը բռնեցին եւ մահուան դատապարտեցին:



Եզակի գիրեր
Հայերէն գիրերով Sudoku

ա	բ	գ	ե	դ	ը	թ	է	զ
դ	ե	զ	թ	է	զ	ը	ա	բ
է	ը	թ	զ	ա	բ	ե	զ	դ
թ	ա	բ	դ	զ	ե	է	զ	ը
զ	դ	ե	ը	զ	է	բ	թ	ա
զ	է	ը	բ	թ	ա	զ	դ	ե
ը	թ	ա	է	ե	զ	դ	բ	զ
բ	զ	դ	ա	ը	թ	զ	ե	է
ե	զ	է	զ	բ	դ	ա	ը	թ

	զ			ը	զ			դ
		զ	բ				ը	ե
	ե				դ	զ		
	ը	թ	զ		զ			
զ		զ			ա			ը
ա				է				
	բ	ե		զ				ա
					է		դ	
		դ		թ		ը		զ

Նախորդ «Եզակի գիրեր» ուն լուծումը

Ամբողջացուր քառակուսիները գործածելով ա, բ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ո՞րն է ճիշդ պատասխանը

Փետրուար ամսուան պատասխանները

Մանկապարտէզի անկիւն
Տիրոջ, նուիրուի, տատրակ, աղանիի, Սիմոն, Սուրբ Հոգին, Օծեալը, Յիսուսը, գոհաբանեց

Նախակրթարան Ա. Բ. Գ.անկիւն

1. գ. 40
2. դ. 451
3. ա. Զօրավար էր
4. Ղազարոսին
5. Բուն Բարեկենդան
6. գ. Սբ. Ղեւոնդեաց Քահանայից
7. բ. Բարի կեանք
8. Մեծ պահք
9. Արտաքսման
10. Անառակին

Նախակրթարան Դ. Ե. Զ.անկիւն

1. ա. Տեառնընդատաջ
2. գ. 14
3. գ. 40
4. Սբ. Թէոդորոս
5. Սբ. Սահակ Պարթեւ
6. ա. Վարդանանցի յաջորդող Երկուշաբթին բ. Բուն բարեկենդանին

յաջորդող երկուշաբթին

7. Նորահրաշ
 8. Եղիշէ պատմիչ
 9. Արտաքսման
 10. Անառակին
- Երկրորդականի անկիւն
1. Քաղկեդոնի մէջ
 2. Նուարակի մէջ
 3. 14
 4. Առաջատրաց
 5. Առաջատրաց պահքին առաջին 4 օրերը
 6. Յովնան մարգարէի
 7. Կոստանդնուպոլսոյ մէջ 381 ին
 8. 40
 9. Աւետարանք, Եկեղեցին
 10. Սբ. Եղիշէ պատմիչ

Ո՛րն է ճիշդ պատասխանը
Մանկապարտեզի անկիւն



Յիսուսի յաղթական մուտքը Երուսաղէմ

Այս տարի Ծաղկազարդը Մարտ --- ին է:

Ամբողջացո՛ւր ըստ Յովհաննէս **12.12- 15**

Երուսաղէմ, Յիսուս, արմատենիի, Ովսաննա՛, Տիրոջ, Սուրբ,
Զատիկի, աւանակի

Յաջորդ օրը, ժողովուրդի մեծ բազմութիւն մը, որ -----
տօնին առիթով ----- եկած էր, երբ լսեց թէ ----- Երուսաղէմ
կու գայ, ----- ճիւղեր առաւ եւ Յիսուսը դիմաւորելու ելաւ,
բարձրաձայն աղաղակելով .

«-----, օրհնեա՛լ ըլլայ ան՝ որ կու գայ ----- անունով,
Իսրայէլի թագաւորը»

Յիսուս էջ մը գտնելով՝ նստաւ անոր վրայ, ինչպէս որ ----- գիրքերուն
մէջ գրուած է.-

«Մի՛ վախճար, ո՛վ Երուսաղէմ, Սիոնի՛ աղջիկ. ահա թագաւորը
քեզի կու գայ իշու մը ----- վրայ նստած»:

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

Անուն: _____

1.- Մենք այս տարի Մարտ 8 ին ի՞նչ տօնեցինք:

- ա.- Սուրբ Գրիգոր լուսաւորիչի Խոր Վիրապ Մուտքը
- բ.- Ղազարոսի Յարութիւնը
- գ.- Սուրբ Զատիկ
- դ.- Ծաղկազարդ

2.- Գալստեան Կիրակիին յաջորդող Կիրակին կը կոչուի Ծաղկազարդ: Ի՞նչ կը խորհրդանշէ:

- ա.- Յիսուսի Երկրորդ Գալուստը:
- բ.- Յիսուսի Երուսաղէմ Մուտքը:
- գ.- Հրեաներուն Եգիպտոսէն Ելքը:
- դ.- Սուրբ Գրիգոր Լուսաւորիչի Ելն ի Վիրապը:

3.- Ծաղկազարդին յաջորդող Կիրակին ի՞նչ կը կոչուի:

- ա.- Սուրբ Զատիկ:
- բ.- Կրկնազատիկ:
- գ.- Կանաչ Կիրակի:
- դ.- Կարմիր Կիրակի:

4.- Ժողովուրդը Յիսուսի Երուսաղէմ մուտքը դիմաւորեց՝

- ա.- Վարդերով
- բ.- Կաղնիի ճիւղերով
- գ.- Մեխակներով եւ շուշաններով
- դ.- Արմաւենիի եւ ձիթենիի ճիւղերով

5.- Յուդան ինչպէ՞ս մատնեց Յիսուսը:

- ա.- Զինուորներուն հեռուէն մատնանշելով
- բ.- Մանրամասնութեամբ նկարագրելով

- գ.- Համբուրելով
- դ.- Զեռնուելով

6. Աւագ Հինգշաբթին յիշատակն է:

- ա.- Արարչագործութեան
- բ.- Տասը կոյսերուն
- գ.- Յիսուսի Մատնութեան
- դ.- Վերջին ընթրիքին, Ոսնլուայի եւ Խաւարումին:

7. Աւագ Երկուշաբթին յիշատակն է:

- ա.- Արարչագործութեան
- բ.- Տասը կոյսերուն
- գ.- Յիսուսի Մատնութեան
- դ.- Վերջին ընթրիքին, Ոսնլուայի եւ Խաւարումին:

8. Աւագ Երեքշաբթին յիշատակն է:

- ա.- Արարչագործութեան
- բ.- Տասը կոյսերուն
- գ.- Յիսուսի Մատնութեան
- դ.- Վերջին ընթրիքին, Ոսնլուայի եւ Խաւարումին:

9. Աւագ Չորեքշաբթին յիշատակն է:

- ա.- Արարչագործութեան
- բ.- Տասը կոյսերուն
- գ.- Յիսուսի Մատնութեան
- դ.- Վերջին ընթրիքին, Ոսնլուայի եւ Խաւարումին:

10. Յիսուսի խաչելութեան միջոցին ո՞ր աշակերտը ներկայ էր:

- ա.- Պետրոս
- բ.- Յուդա
- գ.- Յովհաննէս
- դ.- Թովմաս

Ո՞րն է ճիշդ պատասխանը
Նախակրթարան Դ. Ե. եւ Զ. դասարաններու անկիւն

Անուն: _____

1.- Մենք այս տարի Մարտ 15 ին ինչի՞
յիշատակը պիտի տօնենք:

Ղազարոսի -----

2.- Գրէ՛ Աւագ շաբթուան օրերուն
յիշատակը:

ա.- Աւագ Չորեքշաբթի՛ Յիշատակ

բ.- Աւագ Հինգշաբթի՛ Յիշատակ

3.- Գրէ՛ Աւագ շաբթուան օրերուն
յիշատակը:

ա.- Աւագ Ուրբաթ՛ Յիշատակ

բ.- Աւագ Ծաբաթ՛

----- Ս. Զատիկի

4.- Գրէ՛ Աւագ շաբթուան օրերուն
յիշատակը:

ա.- Աւագ Երկուշաբթի՛ Յիշատակ

բ.- Աւագ Երեքշաբթի՛ Յիշատակ

5.- Քանի՞ հատ էին իմաստուն կոյսերը:

ա.- 5

բ.- 10

գ.- 7

դ.- 3

6. Ամբողջացո՛ւր Քրիստոսի խօսքերը
ըստ Մատթէոս 26.26:

Յիսուս հաց առաւ, օրհնեց, կտրեց եւ
բաժնեց աշակերտներուն, ըսելով.

- Առէք, կերէք, ասիկա իմ

----- է:

7. Ամբողջացո՛ւր Քրիստոսի խօսքերը
ըստ Մատթէոս 26.27:

Ապա առաւ բաժակը, գոհութիւն
յայտնեց Աստուծոյ եւ տուաւ

աշակերտներուն, ըսելով.

- Բոլորդ խմեցէք ասկէ. ասիկա իմ

----- է:

8. Աշակերտներէն ո՞վ չհաւատաց
Յիսուսի յարութեան:

ա.- Պետրոս

բ.- Յուդա

գ.- Յովհաննէս

դ.- Թովմաս

9. Ո՞ր աշակերտը ուրացաւ Յիսուսը:

ա.- Պետրոս

բ.- Յուդա

գ.- Յովհաննէս

դ.- Թովմաս

10. Ո՞ր Աւետարանին մէջ կը
կարդանք Ղազարոսի Յարութեան
մասին:

ա.- Մատթէոս

բ.- Մարկոս

գ.- Ղուկաս

դ.- Յովհաննէս

Ո՞րն է ճիշդ պատասխանը
Երկրորդականի անկիւն

Անուն: _____

Ո՞ր Աւետարանին շարունակութիւնը կը
համարուի: _____

1.- Ո՞ր Աւետարանին մէջ գրուած է
տասը կոյսերուն առակը:

ա.- Յովհաննէս, Մարկոս եւ Ղուկաս

բ.- Մատթէոս

գ.- Համատեսական Աւետարաններուն
մէջ

դ.- Մատթէոս եւ Ղուկաս

6. Որո՞նք են հինգ տաղաւարները:

Գրէ Տօնացոյցի շարքով:

ա.- Սուրբ Ծնունդ

բ.- _____

գ.- _____

դ.- _____

ե.- Խաչվերաց

2.- Յովհաննէս Առաքեալ քանի՞
ընդհանրական ճամակներ գրեց:

ա. Հինգ

բ. Չորս

գ. Երեք

դ. Երկու

7. Տաղաւարներուն յաջորդող
Երկուշաբթի օրը Յիշատակն է
_____:

3.- Սուրբ Յարութեան տօնը 35 օրուայ
շարժականութիւն ունի: Հետեւեալներէն
որ ժամանակաշրջանին մէջ կարելի է
Սուրբ Յարութեան տօնը տօնել:

ա.- Մարտ 15 Էն Ապրիլ 18

բ.- Մարտ 22 Էն Ապրիլ 25

գ.- Մարտ 30 Էն Մայիս 3

դ.- Փետրուար 29 Էն Ապրիլ 18

8. Նոր Կտակարանի 27 գիրքերէն
14ը գրուեցան Պօղոս Առաքեալի
կողմէ: Թուէ ասոնցմէ այն 4ը որոնք
ուղուած են անձերու ճշգրիտ
յաջորդականութեամբ:

ա.- _____

բ.- _____

գ.- _____

դ.- _____

4.- Նոր Կտակարանի 27 գիրքերէն
քանի՞ հատ գրուեցան Յովհաննէս
Առաքեալի կողմէ:

ա. Հինգ

բ. Չորս

գ. Երեք

դ. Երկու

9. Յիսուս ո՞ր աշակերտին ըսաւ . -
«Արածէ իմ գառնուկներս»:

ա.- Պետրոս

բ.- Յուդա

գ.- Յովհաննէս

դ.- Թովմաս

5.- Ո՞վ գրեց Նոր Կտակարանի
հինգերորդ գիրքը:

10. Ո՞ր Աւետարանը բոլորէն աւելի
առաջ գրուած է:

ա.- Մատթէոս

բ.- Մարկոս

գ.- Ղուկաս

դ.- Յովհաննէս

Ամսուան Տօնացոյց

Մարտ 1: Ծաբաթ՝ Սուրբ Քառասուն Մանկունք Սեբաստիոյ

Մարտ 2: Դատաւորի Կիրակի

Մարտ 8: Ծաբաթ՝ Սուրբ Գրիգոր Լուսաւորիչ «Մուտն ի Վիրապ»

Մարտ 9: Գալստեան Կիրակի

Մարտ 15: Յիշատակ Ղազարոսի յարութեան

Մարտ 16: Ծաղկազարդ

Մարտ 17: Աւագ Երկուշաբթի Յիշատակ արարչագործութեան

Մարտ 18: Աւագ Երեքշաբթի Յիշատակ տասը կոյսերուն

Մարտ 19: Աւագ Չորեքշաբթի Յիշատակ մատնութեան Տեան

Մարտ 20: Աւագ Հինգշաբթի Վերջին ընթրիք, ոտնլուայ, խաւարում

Մարտ 21: Աւագ Ուրբաթ, կարգ խաչելութեան եւ թաղման

Մարտ 22: Աւագ Ծաբաթ, ճրագալոյց

Մարտ 23: Սուրբ Զատիկ: Յիշատակ յարութեան տեան մերոյ Յիսուսի Քրիստոսի

Մարտ 24: Երկուշաբթի՝ Յիշատակ Մեռելոց

Մարտ 30: Նոր Կիրակի կամ Կրկնազատիկ

«ՄԱՇՏՈՑԻ ԱՐՁԱԳԱՆԳ»Ի

Ներկայ եւ նախկին թիւերը կը գտնուին նաեւ
համացանցի վրայ:

Այցելեցէ՛ք

www.sourphagop.org/mashdots